



يا عروس النور يا غير البنات  
ترسيمك هيبه جمالك في القمر  
تجتمع بك يا أمل أجمل صفات  
في عفافك طاهره مثل المطر  
تشبهين أمك من أوصاف الحلاه  
دمعها في يوم فرحتك انتثر ..  
بنت أبوك اللي سليل المكرمات  
من غلاتك توجك تاج الفخر



أقبلني وامشي على رموش القصيد  
يا أميره هالمسا الله عليك ..  
يوم طابيتي ضحك مليون عيد  
و ابتسم وردن تفتح في يدك



يا أمل والكل غنى و احتفل  
ابتسم حظك وهنتك السنين  
الأدب عطر جمالك و الخجل  
تصغرين من الحلا ما تكبرين ..  
أشرق الحلم بعيونك و اكتمل  
مثل نجمة في زفافك تضحكين  
ياجعل عينك يجافيه الزعل  
وياجعل يكفيك عين الحاسدين ..



يا جماله يوم يضحك هالنصيب  
توجك نجمة على عرش الغرام

يوم زفك يا أمل لاغلى حبيب  
روح عبدالله تَضَمَّكَ في هيام

طيَّب ن وافي و بافعاله أديب  
ارفعي راسك معه فوق الغمام

يا أمل بدعي وربي يستجيب  
تضحك دروبك و يغمرها السلام